

Naija - Holi Spirit God Wod - Holy Spirit Scriptures

Matu 12:28 "Bot if na God Spirit I tak dey driv dimons, naim bi sey God Kindom don alredi kom mit una.

Matu 28:19 "So mak una go mak pipol my disaipols for di hol wold, dey baptaiz dem wit di Papa, di Pikin and di Holi Spirit name,

Mark 1:10 As Jisos dey kom out from di wota, hevun opun and God Spirit kom dan laik dove kon land for en head.

Mark 13:11 "Wen dem arres una kari go kourt, mak una nor wori abaut wetin una go tok. God go giv una wetin to tok for dat taim, bikos nor bi una go tok, bot na di Holi Spirit go du-am.

Luk 2:26 Di Holi Spirit don show am sey e nor go die bifor e go si di Mezaya wey God promis.

Luk 4:1 Di Holi Spirit enta Jisos bodi kon kari am from Jordan Riva go insaid widanes.

Luk 4:18-21 "God Spirit dey my bodi, bikos E don anoint mi mak I prish Gud News giv poor pipol. E send mi mak I prish fridom giv pipol wey dey prizin and mak blind pipol for si. E stil sey mak I fri doz wey dem dey opres 19 and mak I annouce sey di taim wen God won save en pipol, don rish." 20 Jisos klose di book kon gi-am bak to di pesin wey dey hol am, den e go sidan. So evribodi wey dey di sinagog kon dey luk am. 21 Den Jisos tel dem, "Today, di tins wey dem rite for God wod for wer I read, don hapun, jos as una hear am wen I dey read am."

Luk 12:11,12 "Wen dem kari una go sinagog or go mit govnors and pipol wey get pawa to joj una kase, mak una nor wori abaut haw una go difend unasef or wetin una go tok, 12 bikos di Holi Spirit go tel una wetin to tok, wen dat taim rish."

Jon 7:38,39 "Di pesin wey biliv mi and wetin I tok, mak e kom drink, jos as God wod sey, 'Plenti wota wey dey giv life, go flow from insaid en bele.'" 39 (E tok dis tin abaut di Spirit wey di pipol wey biliv am go get, bikos by dis taim, God neva giv en Spirit to pipol, bikos E neva onor Jisos Kraist.)

Jon 14:16,17 "Den I go ask my Papa and E go send una anoda Pesin wey go help and stay wit una foreva. 17 "Naim bi di Spirit wey dey tok trut, wey pipol for dis wold nor go fit risiv, bikos dem nor fit si-am or no am, bot una no am, bikos e dey stay insaid una.

Jon 14:26 "Bot di pesin wey go help una na di Holi Spirit, wey my Papa go send kom for my name. E go tish una evritin and e go help una rimemba evritin wey I don tel una.

Jon 16:7,8 "I tel una tru wod, na for una own gud naim mak mi won go, bikos if I nor go, di Pesin wey go help una nor go kom, bot if I go, I go send am kom mit una. 8 "Wen e kom, e go show pipol for dis wold wetin sin, God raitiousnes and God jojment, bi.

Jon 16:13-15 "Bot wen God Spirit kom, e go show una di trut. E nor go tok wetin dey en maind, bot e go tok wetin e hear from God and wetin go hapun afta I don go. 14 "E go dey giv mi glori wen e dey tel una di tins wey e dey hear from mi. 15 "Evritin wey my Papa get, na my own, naim mak mi tok sey di Spirit go tel una wetin e dey hear from mi.

Jon 20:21,22 Den Jisos tel dem again, "Mak peace dey wit una. As my Papa send mi, na so I send una tu." 22 Wen e tok finish, e breat for dia bodi kon sey, "Mak una risiv di Holi Spirit.

Apostols 1:2 ontill di day wen God kon kari am go hevun, afta e giv orda to di apostols, wey e shuz wit di Holi Spirit.

Apostols 1:5 "Jon dey baptaiz wit wota, bot e nor go tey wen God go baptaiz una wit en Holi Spirit (wey go kontrol una life foreva)".

Apostols 1:8 bot una go get pawa wen di Holi Spirit don enta una life and una go tel pipol about mi for Jerusalem, for evriwer for Judea and Samaria go rish all di far place wey dey dis wold."

Apostols 2:1-4 Wen Pentecost Day rish, di disaipols kon gada for won place. 2 At wons, won kaind nois wey bi laik heavi briz kom from hevun kon ful di hol haus wer dem sidan. 3 Dem kon si smol-smol fire wey bi laik kando lite dey fal kom from hevun on-top dia head, won-by-won. 4 Den di Holi Spirit enta dia bodi and as di Spirit giv dem pawa, dem kon start to tok for difren language.

Apostols 2:17-19 'Wen di last day don rish, God sey, "I go pour my Spirit insaid evribodi and all una children, both boys and girls go dey profesai, una young men go dey si vishon and una old men go dey dream plenti dreams. 18 "For dat taim, I go giv my Spirit to all di pipol wey dey serv mi and dem go dey profesai. 19 "I go show plenti wondas for hevun and meni mirakols for dis wold, blood and fire go apier for insaid di skai laik smoke. (Joel 2:28,29)

Apostols 2:33 "Bikos God don promote am mak e dey en rite hand and e don risiv di Holi Spirit wey en Papa promis, e kon pour di Holi Spirit for awa bodi, as una si-am dey hapun so.

Apostols 2:38 Pita ansa dem, "Mak una turn from sin kom mit God won-by-won and mak dem baptaiz una wit Jisos Kraist name, so dat God go forgiv una, den una go fit risiv di Holi Spirit.

Apostols 4:31 Wen dem pray finish, di place wey dem gada put kon dey shake. Di Holi Spirit enta all of dem and dem kon dey prish God Wod wit pawa.

Apostols 8:15-17 so dat dem go pray for di pipol, mak dem for risiv di Holi Spirit. 16 Bikos for dat taim, dem neva risiv di Holi Spirit. Na onli Jisos name dem tak baptaiz dem. 17 Pita and Jon put hand for di pipol head and dem kon risiv di Holi Spirit.

Apostols 8:39 Wen dem kom out from di wota, God Spirit kari Filip komot from der and di man nor si-am again, bot e kon dey hapi as e dey go. (1 Fest Kings 18:12)

Apostols 9:31 Dat taim, di shosh wey dey Judea, Galili and Samaria get res and dis kon mak dem strong as dem dey stay togeda, dey woship God wit all dia heart and as di Holi Spirit dey tok to dem. So pipol wey dey di shosh kon dey plenti more-more.

Apostols 10:44,45 As Pita stil dey tok, di Holi Spirit kon enta insaid all di pipol wey dey hear di mesage. 45 Di bilivas wey bi Ju wey folo Pita go Jopa kon sopraiz wel-wel sey Gentai pipol tu, fit risiv di Holi Spirit,

Apostols 11:15 "And wen I start to tok, di Holi Spirit kon enta dem, jos as e enta us for di first taim.

Apostols 13:52 So di disaipols begin hapi and di Holi Spirit kon ful dia life.

Apostols 19:6 and as Pol put hand for dia head, di Holi Spirit enta dem and dem kon start to speak difren language, dey profesai.

Apostols 20:23 esept sey di Holi Spirit dey warn mi sey, from tawn to tawn, na prizin and sofa dey wait for mi.

Roman 5:5 Dis hope nor dey disappoint pesin at-all, bikos God pour en luv laik riva wey dey flow insaid awa heart, tru di Holi Spirit wey E giv us.

Roman 8:9 Bot una nor dey obey sin, insted, na as di Spirit sey mak una liv, na so una dey liv.

Roman 8:13-16 Bikos if una dey folo sin, una go die. Bot di Spirit pawa go kil all di bad tins wey una dey du, so dat una go get life. 14 Na doz wey God Spirit dey lid, bi God shildren. 15 Di Spirit wey God giv us nor go mak us fear laik slave, insted, wi bi God shildren and wi dey kol am, "Awa Papa!" 16 Na God Spirit mak us no sey wi bi God shildren.

Roman 8:26 Na so tu di Holi Spirit dey help us bikos wi dey wik. Bikos wi nor no wetin wi sopoz to pray for, di Spirit by ensef dey krai beg God,

for di way awa wod nor go fit esplain.

Roman 15:13 I pray mak God wey dey giv hope, bless una wit joy and peace bikos of una fate. So mak di Holi Spirit pawa ful una bodi wit fate.

Roman 15:19 Yes! I go tok haw Kraist tak du meni mirakols and wondas tru di Holi Spirit pawa. I don prish di Gud News from Jerusalem go rish Ilyrikum.

1 Fest Korintians 2:10-13 God show us dis tins tru en Spirit, bikos di Spirit dey faind evritin; ivun di deep tins wey dey God maind. 11 Na onli pesin spirit no wetin dey di pesin maind and na onli God Spirit no wetin dey God maind. 12 God giv us en Spirit, so wi nor dey tink as dis wold pipol dey tink and naim mak us no di blessins wey God don giv us. 13 Evri wod wey wi dey tok, na God Spirit tish us and nor bi human wisdom. And na dis same Spirit dey help us tish spiritual tins to pipol wey get God Spirit.

1 Fest Korintians 3:16 Una nor no sey una bi God tempol and en Spirit dey insaid una?

1 Fest Korintians 6:11 Na so som of una bi bifor, bot naw, God don wosh una klin tru Jisos Kraist name and en Spirit pawa, don mak una klin for en eye.

1 Fest Korintians 12:3 Naw, I wont mak una no sey, enibodi wey God Spirit dey lid, go sey, Jisos naim bi Oga and e nor go eva kos am.

2 Sekon Korintians 3:17 Na God bi di Spirit and eniwer en Spirit dey, pipol go dey fri. 18All of us wey don biliv Kraist, God glori dey show for awa face. So di Spirit dey help us shange, so dat wi go bi laik Kraist.

2 Sekon Korintians 13:14 Mak di grace wey awa Oga Jisos Kraist giv us and di luv wey God get for us, plus di Holi Spirit feloship, dey wit una.

Galasha 4:6 Since wi bi God shildren, E put en Holi Spirit insaid us and naim mak us dey fit kol am, "Abba! Fada!"

Efisos 1:13,14 Since una don hear di trut kon biliv Kraist, God don giv una di Holi Spirit as special mark to show sey naim get una. 14 God deposit dis Holi Spirit for di tins wey wi go inherit, ontil di taim wen E go save en pipol, so dat all praiz and glori go bi en own.

Efisos 2:18 so dat tru am, all of us wit won Spirit, go fit rish wer awa Papa dey for hevun.

Efisos 4:30 Mak una nor du wetin go mak di Holi Spirit ves. Bikos na di Holi Spirit bi di mark wey God put for una bodi, so dat for jojment day, E go no doz wey E go save.

1 Fest Tesalonika 4:8 So, enibodi wey rejet wetin wi tok; nor bi humanbin autoriti e rejet, bot na God wey giv una en Holi Spirit.

1 Fest Tesalonika 5:19 Mak una nor driv God Spirit komot for una life.

2 Sekon Tesalonika 2:13 Bot my brodas and sistas wey God luv, wi dey always tank God for una evritaim, bikos God don shuz una from di biginin sey, E go save una wit di Holi Spirit pawa wey go mak una dey holi, since una get fate and trut.

Titos 3:5,6 E kon save us. Nor bi bikos wi du gud, bot na bikos of en mesi. E forgiv awa sins and E mak us new shildren kon giv us new life tru di Holi Spirit. 6 God giv us dis Spirit for fri tru Jisos Kraist wey bi awa Savior.

Hibru 2:4 God yuz signs, mirakols and wetin di Holi Spirit du, tak show sey, dia wods na tru.

Hibru 10:15 Di Holi Spirit dey bear witnes abaut dis tins sey,

1 Fest Pita 1:2 mak dem dey holi tru en Spirit. Mak una dey obey Kraist for evritin and en blood go klin una. Mak grace and peace bi una own!

2 Sekon Pita 1:21 Tru am, una biliv God wey raiz-am from deat kon giv am glori. So, una fate and hope dey for God hand.

1 Fest Jon 4:2 Dis na haw una go tak no God Spirit: If pesin biliv sey na Jisos bi di Mezaya, wey kom as humanbin, dat pesin get God Spirit.

1 Fest Jon 5:7,8 Wi get tiri witnes to show sey wetin wi dey tok, na tru and dem bi: 8 God Spirit, di wota and di blood and dis tiri witnes dey tok di same tin.

Jude 1:20 My frends, mak una dey build unasef up wit fate wey holi wel-wel and dey pray wit di Holi Spirit.

Exodus 35:31 Spirit of God, in wisdom, in undastandin, and in no(ledge), and in all manner of workmanship;

Numba 11:25 Spirit of God on Moses put on 70 elders & dey profesi.

Job 33:4 Spirit of God mak me, and Breat of God gav life.

Isaia 11:2 Spirit of God b on Im, the Spirit of wisdom and undastandin, Spirit of advise and mit, Spirit of no(ledge) and of di fear of God;

Mika 3:8 power by Spirit of God, and of joj(ment), and of mit,

Zekaraya 4:6 Not bi mit, nor pawa, but bi My Spirit, sey God.